



體仁彙編卷之二

廬陵彭用光新編

春太素肝脉訣

肝脉論見喜

弦脉由來本是肝貴占憑此亦偏歡亥卯未來多利

益寅卯天恩及轉官

彭用光曰少陽厥陰主功名貴達顯耀喜慶全在此宮

肝脉主貴

要知職位膽中看勻緩分明又在肝診得弦長終是貴細沉定是主孤寒

膽氣均勻即有官少年仕路恐難攀若心部洪勻相

中年決定封侯印名利文章一世安

肝息深沉而流利者即印綬官之貴
祿中年榮顯

甲乙來而動更弦為人尊重有威權若還三按都無

斷官高三品一生賢

甲乙太過細尋之先拋頭女與頭兒却有文章多藝

學中年破敗各東西

要知職位少陽看少陰洪應用心觀少年金榜及高

第至老人稱號長官初年發科必手少陰寸部
洪柔與少陽相生方顯貴

厥陰指下盡來長少陽之脉異尋常紫詔定承辰戌

裏中年決定佐朝堂

少陽之下最和柔木到陰宮水順流無制不弦所為
以不悠久也

官只是多閑訟居到朝堂便好休

定居職位膽為先指下弦長珠顆圓此脉若當春季

仲更兼及第在初年

無珠力弱惟一陰處世驅馳只是沉常見一弦宜晚

發寅申巳亥不相應

三部寬長是上賢更於膽脉帶長弦豁然應指如龍

動翊贊明君萬萬年

脉來弦緩更分明
須信為官顯大名
更得寬長來不
澁終身榮貴作公卿

肝脉論清濁

肝臟詩

肝脉輕清貴祿榮
堂堂儀貌足人情
數逢三八應亨
泰恭謹尤加目秀清
肝脉重濁性如何
狼毒無情駭不移
不是脉中無貴
氣柰何生骨欠清奇

心臟詩

春見秋體同

心脉輕清應在神
聰明接物廟堂人
旺者丙丁無疑
滯四七年來貴顯身
心脉重濁主無神
性僻情乖終殺身
眼視不明終舌
短天亡難得侍雙親

肺臟詩

春見秋體同

肺脉輕清號俊才
皮膚潤澤善詠諧
看看四九聲名
顯武畧功勳蹈帝堦
肺脉重濁人無義
性格貪媠禮更踈
貧賤一生無別

事殺因臨忿損身軀

腎臟詩 春見冬體同

腎脉輕清智巧多待人處事更慈和清吉調暢無憂
滯一大相逢貴柰何

腎脉重濁最無清少智多愚主賤貧此部若無清一
點平生那得見光榮

脾臟詩 春見四季同

脾脉輕清氣象高為人尊重更英豪數逢戊巳須榮
顯晚節身安壽筭遙

脾家重濁主風狂無信欺人命不長縱是左心清應
指也應濁富不賢良

肝脉見煞

肝微并澁兼沉滯凡病如斯更莫醫尚有破財人不
足骨肉分離事可知

肝脉主灾

本部看看更動遲須言灾病莫狐疑頻頻舉按還無
應夏至灾來骨肉離

震臟木來動滑亢破財詞訟足心憂如毛夭壽分明

斷密地心思不到頭

甲乙如毛命不長浮滑花來事可傷破財詞訟多憂

險及到中年在外鄉

甲乙分明指下遲少年多病實難醫若還舉按仍無

力定須家破主人離

甲乙全然指下沉心中忒忒怕災臨若無火氣來相

應奴婢逃走定難尋

三部按時但是弦須知忿怒急連天忽然浮大來無

息亦是憂驚事到纏

肝脉見夢

肝實頻來指下寬夢松高樹又登山如虛若在木中

立或在深林暗昧間

春見肝脉

趙石亭曰肝脉沉弦四十至者位至三公

春中得木是權期柔更長條喜應時若見火來居此

位清明時節福相隨

夏見肝脉

夏得木位定無疑金來尅木哭妻兒若到火宮便逢

喜但言二七九方知

秋見肝脉

木部之中忌金來父母須防定有災水來相救無大厄相生相順福之媒

冬見肝脉

木到水位喜為先來扶水位喜相連望後即無三五至一陽之後定官遷

定流年春脉則例

詩曰

木內火來時欣然事可宜居官加祿位求財萬倍歸

思濟堂曰木內火來者乃春該木旺而主事也足厥陰經中見手少陰經即子母相生而相逢豈不欣然而可樂乎所以居官必陞求財必倍家門有喜慶吉祥之事也

春月順時節宣

內經曰春月陽氣閉藏於冬者漸發於外故宜發散以暢陽氣故有曰春三月此謂發陳天地俱生萬物以榮夜卧早起廣步於庭被髮緩形以使志生生而勿殺予而勿奪賞而勿罰此春氣之應養生之道也

逆之則傷肝夏月寒變故人當二月以來摘取東引
桃枝并葉各一握水三升煎取二升以來早朝空心
服之即吐却心膈痰飲宿熱即除不為害春深稍宜
和平將息綿衣晚脫不可令背寒寒即傷肺鼻塞咳
嗽但覺熱即去之覺冷即加之加減俱在早起之時
若於食後日中恐致感冒風寒春不可衣薄令人傷
寒霍亂消渴頭痛春凍未泮衣欲下厚而上薄也大
風大雨皆宜避之東垣曰木在時為春在人為肝在
天為風風者無形之清氣也其時脉當弦而六部俱
見於本脉之中又必緩於四至五至是謂有胃氣脉
經云阿阿緩若春楊柳此是脾家居四季夏秋冬效
此善調者百病不生間有失調或傷冬寒至春發為
溫熱之病故曰寒受熱邪名曰傷寒以左脉浮緊辨
是若當春傷風即病左脉浮緩辨是又有飲食不節
房室勞役過度則為內傷發熱之症當以右脉盛大
辨是治法詳後素問云春傷於風夏生飧泄泄論
曰慎起居忍嗜欲薄滋味行陰陽可以却病延年益
壽云

夏太素心脉訣

心部總診脉訣

脉來寬緩更逢春不作賢人亦貴身更若弦洪來不
滯須知超顯異群倫彭用光曰心為一生之主乃君

清貴全在此宮

心脉之中見土來得財喜慶又添財更加洪滑時時
動出去求財必得回

心脉均勻指下來平生不滯更無灾年紀定逢二七
至常流妻妾一懷胎

春得弦洪喜慶培但看春夏喜須來若非輔職并婚
娶即是生兒定有財

當春心脉見洪弦看取清明節候邊君子輔官多喜
慶脉來寬緩一生賢

心脉見貴

趙石亭曰得二數為伊傳三數文章忠孝純乎君子

弦秀是文官

緊是武官

心脉分明弦秀洪此人必定作三公更尋三按俱無

斷至老須持國柄隆

弦秀洪帶緩不實不虛者大貴

心脉分明緩細頻先看粗濇後調勻雖然今日為貧

士異日興隆是貴人

主三十歲後發科甲平人發富

心脉見聰慧

心脉生時緊又長一生勞碌費心腸若見勻洪并秀潤儀容體貌必文章

心脉見灾

心脉緊數出公私沉細更加婦女低口舌臨門三七內但宜防慎密關機

心宮滑實不調勻性毒人嫵狡詐心必定官灾刑害至若逢結脉定增驚

驚憂之脉起於心散數微浮去復沉相尅顛狂投指亂更將急緩定災迤

息數狂投洪散來勞心繚亂暗思推眼前盡是攢眉事怎奈星辰不護台

忽然無脉少精神須有憂疑驚恐深天性沉吟多毒害要知心脉似刑林

心脉見官灾父母患

丙丁沉滑最堪憂官事常常不得休父母更防殘疾死他年必定走他州

心脉見孤獨

心脉頻來息不加更來衰氣實參差為人至老常孤
獨守死妻亡自主家

心脉見孤貧

心脉頻來指下粗太陰無力一身孤若還見水少浮
沉女為婢妾子為奴

心脉見憂驚

面赤紫紅三部數狂言亂語如邪神忽然實大并帶
滑險怪虛驚不慢陳

心脉見婦人媼亂

欲識家人一寸心關前散亂復浮沉枉將山嶽為盟
誓不是幽居獨展衾

心脉主病死

心脉濡弱細尋之年內須防厄更危若是伏遲須是
死分明洞斷莫狐疑

春見心脉

心來木本兩相隨必是須招異姓兒若是水來居木
位其人憂事見灾危

彭用光曰水來火
部相尅所以災生

心脉見病死

丙丁微來更沉遲得病今年早怨誰若他似毛終是死教君千萬莫求醫

夏見心脉

火來事大也難猜須有驚憂定見災便是沉微災必至家中人死淚衣衫

秋見心脉

火旺相逢金位居為官失職禍相隨莫教金火來相尅不見青天如是悲

冬見心脉

冬見心脉不相宜遭枷下獄鎖相隨若還遠近行他事此脉多憂定見非

定流年夏脉則例

詩曰

火中如見土夏喜足文財洪緩當時應無求財自來思濟堂曰火中見土者手少陰經中見足大陰經乃子母相生之理無夏該心火旺相管事而得洪緩足大陰子戀其母豈不吉慶亨嘉凡事

皆順官必陞遷財祿大旺也

夏月順時節宣

內經曰夏月人身陽氣發外伏陰在內是脫精神之時特忌下利以泄陰氣故又曰夏三月此謂蕃秀天地氣交萬物華實夜卧早起無厭於日使志無怒使英華成秀使氣得洩若所愛在外此夏氣之應養長之道也逆之則傷心秋為痲瘧故人常宜宴居靜坐節減嗜欲調和心志此時心旺腎衰精化為水至秋乃凝尤須保養以固陰氣常食熱物使腹中溫暖生

瓜果茄水冰冷淘粉粥蜂蜜尤不可食食多秋時必患痢瘧勿以冷水沐浴洗手而淋背使人得虛熱眼暗筋脉厥逆霍亂轉筋陰黃之疾勿當星露風卧勿眠中使人揮扇汗體毛孔開展風邪易入犯之使人患風痺不仁手足不遂言語蹇澁之疾年壯雖不覺為害亦種病根氣衰之人如桴鼓影響矣醉中尤宜忌之凡夏不宜極涼極涼則心抱浮寒而秋冬肺與腎有沉滯之患然大熱亦有所當避素問曰夏傷於暑秋必痲瘧慎者却之其或傷風於春清氣在下至

長夏而餐泄者則右陽明足太陰之脉弦緊大辨是也又夏至傷冒暑者則左脉微虛弱而身熱辨是或脉伏者此手少陽與胃應也則瘡亂吐瀉轉筋四肢厥冷身無疼痛治法詳後乃心火旺六部脉該微洪於本部而緩也經曰夏傷於暑秋必痎瘧潜谿論曰夏至一陰生當節嗜慾也

秋太素肺脉訣

肺脉論見貴

庚辛忽見滑實來一生剛氣有文才如逢撞指來相

應定折天邊桂子回

彭用光曰頴悟登科聰明黃甲親屬全在手陽明大陰浮溢取法

五至如珠登第貴朝廷常倚赭黃袍均勻滿指實而有行短猶兼壽不牢

三台華蓋要輕浮緩澁輕毛事必投五十動中無實大夫夫高折桂枝秋

夫肺者華蓋也輕指所得又云指下無實大脉者及第也如有實大皆常流也

登科須要肺浮輕本部調勻顯早榮緩細分明無斷數佇看金榜掛聲名

太白金星位正西脉来浮溢不須疑中間李潤須相
合刑名兵柄盡成威

西方肺脉要推詳下指洪緊又無長塞外不為軍將
主中年也作紫微即彭用光三台八座之貴此部浮洪緊而短見之上貴之格也

肺脉見夢

肺脉頻来虛更長登山涉水問途忙實須夢見多兵
起虛主鍾聲鼓振堂

肺脉見父貴

右手如絲一兩條微微指下舉全消位高名職為人

父便是常流亦富饒

肺脉見凶

秋来診得火来侵外来尅内木難存身危宅暗多憂
慮財散人衰不可當

庚辛動滑兩頭虛来不輕浮只緩微再三舉按無多
應定是他鄉已破徒

肺脉如浮又不浮男為浪子女孤愁縱交不死為夫
婦也主離鄉別處州

肺脉見喜夫婦順

肺脉當秋應指浮脾寬勻大緩相投內還投內夫婦
順才喜重重不用愁

肺脉主賤好外遊

庚辛部內見弦長少不中年在外鄉若然不作僧與
道也主離家背父娘

肺脉主刑憲

肺脉逢之實且弦情性多剛作事偏滑微兼緩情詳
察徒刑之脉莫流傳

肺脉主無德

燥金之脉見沉微口是心非好貪淫此等見人多笑
語會將喜口取人心

肺脉見妻高

肺脉原是主妻宮外祖之家且一同浮緩輕輕皆吉
兆庚辛定主夜生人

肺脉見孝服

肺宮白虎不堪云食咳居堂本至地最忌丙丁未相
尅庚辛之中淚驚人

春見肺脉

春見肺脉本相尅金來相尅却沉吟妻兒破散身無
主田產拋荒枉費心

夏見肺脉

火照金位金不安秋若逢之加職看一日福祿來相
應為官高選定即官

秋見肺脉

秋逢金脉是旺宮遇火須憂是亂紛木更逢到妻宮
喜喜上添財衣祿豐

冬見肺脉

金水相生是貴人木來旺相喜逢春必須用貴招財
物榮旺家風福氣新

定流年秋脉則例

詩曰

秋金脉浮滑必定喜相加忽然弦長應得財以手拿
思濟堂曰秋金肺旺當權司令之時而得浮滑
者乃足少陰經入手大陰經相生之地又得忽
然弦長妻位之來所以主有財喜獲寶之事大
吉之兆也

秋月順時節宣

內經曰秋月當使陽氣收斂不宜吐及發汗犯之令人臟腑消鑠故又曰秋三月此謂容平天氣以急地氣以明早起與鷄俱興使志安寧以緩秋形收斂神氣使秋氣平無外其志使肺氣清此秋氣之應養收之道也逆之則傷肺冬為殄泄若知夏時多食冷物及生瓜果稍多即宜以童子小便二升并大腹楸柳五顆細切煎取八合下生姜汁一合和臘雪三分早為空心分為兩服瀉三行夏月所食冷物及膀胱宿

水悉為驅逐而出即不為患此藥是乘氣湯雖老年之人亦宜服之瀉後兩三日以薤白粥加羊腎如無猪腰代之空心補之勝服補藥也秋當溫足以凍腦其時清肅之氣與斂行之體也自夏至以來陰氣漸旺當薄衽席情慾以為壽基其或夏傷於暑至秋發為疹瘡木氣終見三焦二少陽相合病也陽上陰下交爭為寒為熱肺金不足洒淅寒熱此皆往來未定之氣也以二少陽脉微弦剝辨是又有夏食生冷積滯留中至秋變為痢疾以足陽明大陰脉微弦濡而

緊者是秋脉當如毛如脉洪則反時矣治法詳後素問云秋傷於濕冬生咳嗽潜谿論曰養氣完形寡慾嗇精肺金司秋之正令也

冬太素腎脉訣

腎部論見喜

遷移須要水中清交易之中便得成若遇丑寅來本仁此時財穀畫豐盈此用光曰壽夭晚景祖宗子孫此是少陰主全在此宮

腎脉見貴

天中隱隱潤兼長福壽榮華安可當莫教火大來相

道不為將相主封王

北方坎向腎中求兩尺迢迢似箭頭十萬兵中為上

將名標青史定封侯

羅侯要向腎中尋看物方來緊大沉眼大赤光顏色

厚多謀定計智尤深

北方腎脉深且長來時沉滑不高昂非惟有壽多才

智佐國忠臣不異常

腎部忽然動滑時為官必定有遷移更看三部寬洪

應用意消詳子細推

腎水頻來指下勻少年仕路做官人女子若逢加封
號定生二子盡超羣

腎水深藏指下均心寧多喜助天真丹田自有嬰兒
在佐國勞家一世清

左右滑澄兩尺當精神加喜福無雙細看弦洪心流
利尅日須知進祿鄉

細微沉滑通利津定是高遷本壽椿寸口莫嫌洪緊
併也知登祿在春深

腎脈見壽長

北方之脈本滑沉指下來兼潤帶深此是世間長壽

客名題金榜作公卿

此男子為一身之本主至大之貴在沉滑如珠

腎脈見喜孕

腎脈須當子細尋尺中三動忽然沉此名妻孕何勞
問妙者須知不換金

腎脈見仕祿及短壽

壬癸迢迢指下寬眼前雖任是即官只愁數短來無
位定知難得十年歡

腎脈見才智

才智還看腎水鄉宏才九竅足文章二儀尺寸來相應高低遲緩一般詳

夫智慧之脉腎脉柔和流利人多謀計

腎脉見旺吉又長一生至貴壽高強忽然緩緩來相應求財何用作經商

腎脉見情慾之喜

尺脉本沉微那堪緊數隨蘭房明月夜有客笑嬉嬉腎脉見福壽

尺脉微微動滑珠淵源福祿壽安居如珠至五加封

號常庶成家福倍殊

腎脉是天元深藏福壽延平生災禍少喜樂信相便真元脉要腎累累是珠聯百年無病疾福祿滿天年

腎脉見災并疾病

三至虛遲復緩來雖加封號却愚頑生災抱疾難為壽田產多因體不完

水緩悠悠指下沉一生羸瘦少精神母氏少年多疾病更兼父亦患癆人

腎脉見姪重

月字要在命門鄉膚下如珠動又忙為事多奸人性
急平生只戀在花娼

腎脉見博學無成

壬癸弦長動更柔為人志氣好風流却又文章多道
藝奈何好學不到頭

腎脉末年多災

壬癸如逢太過時末年纔到病無疑若見細沉多巧
性風流士子有三妻

腎脉見病訟

壬癸之中怕伏沉來時動澁病源深若見緩沉公事
至好將指下定災迤

腎脉見死災

壬癸沉來又似伏舉指按之都不足何須買藥請良
醫須臾便見全家哭

腎脉與命門見奴僕車馬吉凶

奴僕車馬定三焦輕按如絲定主招如珠定主忠奴
斷忽管奴逃馬墮腰

腎與命門見官符失財大災

三焦相配命門宮火怕土宮來旺時不特火光并脫
失也應六畜化為泥

最忌相冲滿指來伏逢三按冷如灰獄訟此生難得
釋戊巳教君退大財

腎脉不宜妻妾

左右尺脉頻更訖馬年相尅不和柔此人必定傷妻
妻獨守空房淚暗流

腎脉主不利親子

妻右尺中滯又微更加脉息又乖時須知不利親男

子定是思鄉養外兒

腎脉見病厄壽促

來時沉澁去時微此主平生疾病軀更向尺中來短
促其人難過三旬餘

腎與命門寄尺中診時須要定災凶忽然浮大來傷
尅長夏見之命須終

泉鬼偏尋腎裏藏白濃瘦却不堪當切忌沉澁并不
見患人不久入泉鄉

腎脉若伏無脉時逡巡便見死相期若逢不及數并

短得病中年病莫醫

腎脉見脩養長壽并脩短

水部柔洪陰養陽丹田血海熱如湯不施紅粉如桃

臉百歲冰肌壽又康沉洪滑至骨而出者貴壽

腎與命門該脉數行來相尅詢消息沉微定是安居

死緊滑湏知出外亡

短伏必知溺水死濡沉終是虎狼傷微沉自害并他

害澁滯湏知打撲傷

緊數湏知連重病蹇牢饑凍不虛揚忽然短代并來

滯他日湏知受貴人反得賤脉者忠肝義膽之正士

春見腎脉

水生木位合相逢水木相生喜不同忽然金到為刑

尅病情骨肉各西東

夏見腎脉

夏得水脉本相刑指下多少是憂驚夜夢狂神并猛

虎交秋纔遇命湏傾

秋見腎脉

水入金宮頻喜慶水來金位水相生此是人家添福

壽財帛萬事總加臨

冬見腎脉

冬見腎脉是本鄉金來和合更無妨頻頻至數惟生福水至天然達帝鄉

定流年冬脉則例

詩曰

冬月得弦長榮身兼壽康當時見弦瀋門宇添吉祥
思濟堂曰冬月足少陰寒水旺相之月職掌權衡用事而得足厥陰之脉是母生其子所以身

吉家昌為官必超遷內臺常庶必倍獲財寶也

冬月順時節宜

內經曰冬月天地閉血氣藏伏陽在內心膈多熱切忌發汗以洩陽氣故又曰冬三月謂之閉藏水冰地圻無擾乎陽早卧晚起必待日光使志若伏若匿若有私意若已有得去寒就温無泄皮膚使氣亟奪此冬氣之應養藏之道也逆之則傷腎春為痿厥故人

當時服浸酒之藥

熟地當歸五加皮地榆仙靈脚牛膝虎脛骨獨活蕁藓枸杞絹兜浸

酒七日後早晚量服以迎陽氣雖然亦不可過煖綿衣雖晚着

使漸加厚雖大寒不得向猛火烘炙甚損人目睛且手足能引火氣入心使人心臟燥熱衣服亦不宜火炙極暖冬月天寒陽氣已自鬱熱若更加之炙衣重裘近火醉酒則陽氣大甚若遇春寒閉塞之久不即發散至春夏之交陰氣既入不能攝運陽氣必致有時行熱疾甚者狂走妄語切宜忌之又不可過勞房室不可觸冒風寒故曰冬傷於寒春必溫病故先王於是月閉關俾寒熱適中此為至要冬不欲極熱極熱則腎受虛陽而春夏肝與心有壅蔽之患冬脉宜沉按至骨而滑六部亦然如秋傷於濕冬生咳嗽是腎水受迫上行與脾土相合為痰咳則手太陰陽明及足二經脉洪實也若冬寒傷胃感邪即病足太陽少陰本病治法詳後經曰冬傷於寒春必溫病此時傷令也人其慎避性理云病時藥餌固不可緩極愈後保護引在賑荒論中潛谿曰人能為善行方便好事為一生之大藥何病之有

四季太素脾脉訣

脾脉總論

脾脉平勻應指來能為高貴有文才如逢三按都無
斷加官名譽震天雷

彭用光曰爵位田產陞遷妻妾太陰足經取全在此宮

脾脉見喜

脾緩財產更加添寬緩輕輕不用占戊巳男宮須見
喜丙丁進契不須錢

脾脉見成才能仕祿

脾脉分明似捻珠寸關尺部與常殊停勻流利知為
吉福祿平生事不虛

脾脉寬緩好情懷撞指心田不可猜大小浮沉俱似

緩祿位高官顯大才

潜谿曰夫脾脉中宮之土也每季各旺十八日
其脉論寬而緩得旺相之本也人有寬懷情意
若六月診之寬緩乃脾之正旺相之脉也是有
喜之脉若撞指來往不足者此人為事有情渠
不可猜也若見大小沉浮而緩者此為旺相之
脉也此人有才智須至老為顯實大家也

脾脉見性巧無祿位

戊巳緩澁巧中看大小非同子細叅心下為人多藝

術文章雖有不為官

脾脉妻貴壽

右關遲緩動阿阿妻是名家淑女歌五至動柔終是

貴妻宮文惠巧工多

緩主妻真淑
弦主妻性急

少年封邑兼長壽常庶人家福若何三至脉來如棗

核貴官皮血疾偏頗

棗核木尅土
也以此推之

戊巳大過細尋之少年流蕩走東西若非九流三教

丙定知常有二三妻

脾脉見賤

戊巳乾時又似浮無信憑誰不相投切忌動來隨指

至一生至死作奴儔

脾脉見災危

戊巳常來一向沉若還遲細見災臨非同困者皆憂

命按之無力死遂巡

脾脉見犯土災病

中央之氣土宮臨掘鑿多因犯此迤甲乙病人連怕

進腫頭凹面減精神

脾脉見惡死

戊巳來實更浮高天然凶惡足強豪若見伏時須赴
法忽然官訟有刑遭

脾脉見死家宅不安

土宮見水死家風脾脉沉伏旺深冬陰人小口須防
厄急命良醫始見功

脾脉見仕祿

脾腎逢金氣再寬縱然無詔亦加官關中若見浮兼
滑財帛徐徐儘自安

脾脉見理奧

脾怕水來居此邊諸般論脈合三天有人會得三天
事醫中稱說是神仙

脾脉見崇

脾弦脉鬼主蒼黑浮澁須言西北神忽然沉滑陰暗
崇更細浮大是亡人

脾脉總論

本部之中脉再強輕浮指下細推詳好學文章多致
貴規模相遇有風光

春見脾脉

春來得位乃敷榮七十二日旺其因戊己若來金位
立求財加取一番新

夏見脾脉

火到土位要知源其人安樂十餘年若逢木來侵其
土夏末秋初命入泉此部切

秋見脾脉

子母相逢最相宜浮動來時有福為金土相生財帛
旺秋冬穩穩更無疑

冬見脾脉

冬月屬水土臨間其脉緩大實難堪須宜制土免侵
尅滋腎培根益壽安

定流年四季脉則例

詩曰

脾宮旺四季緩滑足榮昌居官當遷擢財帛獲倉箱
思濟堂曰脾主季月十八日當權主事若緩是
本位今得滑是足少陰入足太陰經是為夫妻
相合所以官當陞遷求財必獲也

定六親

以下三十條俱增
廬陵趙銓續編

肺為月字母中堂大腸妻子計都鄉忽然脉起來三
至定父先亡母後亡四數却緣刑尅母奔波災起見
刑傷若還應指無分曉骨肉重重有不祥浮取大腸
斷妻子五數賢明應不尅若逢三至定難為先女後
男方是吉若為肺部大腸中災起浮來洪更緊火居
全部總非宜知是刑傷兩妻脉短促而止來三至到
老無妻似出家端中天命非人欲本部分明而不雜
妻子分明而得力更加祖業與匡持如在蓬麻中自
直七至兄弟成而敗九至兄弟有如無一生破家并
換祖回頭祖業總是虛若還沉緩來應指定得妻財
綽有餘本部浮沉應指明勢如奔湧不曾停細君配
陋淫無比獅子河東不復鄉女人肺脉洪福德心部
夫宮論刑尅性行仍於立命推息數還同男女脉子
息須看小腸部三至浮弦生意緒遊年參論不相生
心必非主兒如玉

定性多怒

三部按時俱是弦肝宮左右叫連天出身若得震離
卦喜怒不常心自賢怨惡不藏難激觸接人光霽意

悠然此心明白能嚴斷定見應無倚與偏

若心部脉浮大而散而止於結必主憂疑事之
纏綿

尅定災年

心脉見水即壬癸年見災十年一次見木則甲乙年
餘倣此子細認脉萬無一失

一推五運子母標本

土運與心脉為子母逐年小限

土運如逢緩潤中無災無禍保安寧弦長相值行年

木緊失多災禍患生

水運與肝脉為子母

水運行年怕水官脉為緩短大為凶大沉遲促如相
尅輕則為災重命終

木運與腎脉為子母

木運弦長是木形更兼標本脉勻停行年浮瀦兼失
脫金尅肝官即禍生

金運與脾脉為子母

庚辛部內見有形主脉勻調百事成大忌離來逢短

失肺虛有疾禍殃臨

火運與肝脉為子母

火運行年入水中脉無根本禍重重若教弦脉歸心
部毋救子逢減半凶

論五運行年生尅

假如十年行大運行年屬腎經等四季之正形兼脉
平穩是為二運和勻其年當有喜慶各據貴賤大小
而言若心部無變行腎經短失定主災禍更心部沉
石或散失其父年內必死矣雖曰年內死亡然十二
月中有緊慢腎屬水應在子午卯酉日見也又如心
脉失本形而得脾脉形狀謂之毋求乳子雖曰未免
災殃終為有救也

五運六氣論

鬼臾區告黃帝曰子午之上少陰主之少陰之上君
火主之此子午所以為君火也丑未之上大陰主之
大陰之上濕土主之此丑未所以為土正位也寅申
之上少陽主之少陽之上相火主之此寅申所以為
相火之位也卯酉之上陽明主之陽明之上燥金主

之此卯酉所以為陽明燥金之位也辰戌之上大陽
上之大陽之上寒水主之此辰戌所以為大陽濕土
之位也已亥之上厥陰主之厥陰之上風木主之此
巳亥所以為風木之位也日月一年而十二會主坐
有蝕有不蝕交則蝕不交則不蝕所以有交與不交
皆行黃道行九道也亦有交而不蝕者同道而相避
日月之相合數之交也日望月到月蝕日掩日則日
蝕猶水火之相尅水尅火掩而尅之火不能尅水心
陽焉此邵子康節篇衍義云

陰陽反証

四肢逆冷脉洪遲此病雖危尚可醫忽然遍身如火
熱脉微沉細等生稀用光曰此兼叔和論病也

陰陽交冲

八八男兒脉反陰尺中浮大寸中沉女年七七男宮
盛此法須知不換金

男子八八脉澄清左右相生福最深左右反憂洪盛
脉来時厥厥力難停

大驚脉

其人指下脉上如核子是也一云如沙子候若得此脉其人被大驚來大抵四季之脉假如春得冬脉則和平水生木春得土脉生旺喜慶木尅土春得秋脉金尅木必死餘倣此

推三學堂 用光曰此論文學功名推測象例也

肝為身學堂 肺為外學堂 腎為智慧學堂

此三部脉流利秀靜士人得之全一舉過省缺一全獲薦而已矣三中有一雖不請舉亦文章出俗之士庸俗弗冗流利長勻之脉反主歲內

災病不安君子之器非所取當

分九品官格

心脉流利條長為上三品肝脉流利條長為中三品腎脉流利條長為下三品

推官出身

凡左手三部脉流利秀長自科甲出身官三部秀勻侯王之脉右手三部脉流利秀長非延賞則外氏恩澤或恩克官主異路功名出身

武官格局

左手寸關脉急大出指右手脾命脉出宮急促者為
武官脉

公相脉

彭用光曰心宮弦秀洪乃三公師保之位在下推詳

凡公相之脉既兼等九品流利之形更人迎位脉長而秀麗乃位極人臣也所謂人迎位者人多以手寸口為之非也人迎在魚際從後大指節背高骨之前虛陷中者是也氣口亦如此取右手求知

將相脉

凡將相帥之脉不必左右手三部皆流利若肝脉與

肺脉流利其餘脉或沉或急更要人迎氣口脉條長乃將相之脉若人迎氣口三脉等流利乃出將入相之格

彭用光曰心肺二宮洪秀清而緩急相等參兩尺洪緩如箭頭者此出將入相之脉也

推心部脉官祿

夫心者火也為主四臟為佐在公則吉私則凶左右寸口管於公文又主福祿之位凡有官祿進退乃清分四季者若凡心脉洪緊分明須察祿位遷權五擲洪緊分明主五日有祿喜二十擲分明半月有祿喜更看六指內脉滿指而來安穩便有喜樂之事如春

三月等脉者又主人口退失乃木生火泄氣故也

又詩曰

仕祿先看初寸來分明流利弼天才若居寸口知君
退移換文書正位來

推腎部祿喜

夫腎者水也沉則智生而喜至在公為公為寸在左
為尺在右察脉有喜事五擲住而洪緊分明五日喜
至十擲住而洪緊分明七日內有官之人加祿無官
之人招田財喜二十擲住者半月內有祿至四十擲

洪緊流利住者四箇月內有喜至仍以歲尅應萬無

一失

彭用光曰此論心腎二宮而肝肺脾趙石亭
先生疑有缺文當參春夏四季論中為詳備

詩曰

左右看時在尺常福神加喜脉尤強細看洪緊并流
利尅日須知進祿鄉

腎脉分明入水珠自然安靜氣神甦更看六脉無移
動福應鄉間與衆殊

推六脉出宮重交圖

①出宮

①前出為重

①後出為交

右出宮之形看
在何部少定尅應
且如腎部脉出宮
若脉占表是為勝
脫屬未應亥卯未
日時若脉占裏
是為腎脉屬午應
寅午戌日時若表
裏俱出應在即
日重主過去交主
未來尅應亦如前
法所三合定之

推遷移脉法

假如問官員遷移
直要腎部與命門
俱動腎為遷移
命為驛馬又為厨
竈若一動一不動
不須再擬議未
遂定矣若兩有所
動遷移之兆更看
肝部人君貴人
之位脉氣如何若
不偏不邪無尅無
失定主陞陟及

此則出降矣仍要
本脉秀與心部脉
皆好方為全吉
不然吉事減半言
之他脉為次又以
三部定其過去
未來之象大抵審
脉但要表裏五行
四季得意何必
件件皆據成法而
後言之臨時以意
消詳加減達斯
理矣

詩曰

腎脉如逢動滑時
為官必定喜遷移
更須心脉寬洪
應祿秩多增入京畿

老病脉

老病之人脉要微連年縱患死難期若逢弦緊并洪大病者應須死莫疑

老病之脉宜細弱若洪緊大者少壯之脉所以為逆候病必死

少年脉

少年之脉緊而剛憔悴多時死未忙細弱又兼逢代者難痊疾病定須亡

少年之脉宜洪盛有力為相順之脉宜療怯弱者難痊

論富貴官高

彭用光曰全在辨別輕清重濁生尅

一品 寸脉洪長寬緩實大

二品 寸脉洪秀實緩

三品 寸脉洪大弦洪

四品 寸脉長大緩實

五品 寸脉浮洪不絕

六品 寸脉浮實弦緩

七品 寸脉長緩長實秀

八品 寸脉緊洪實太

九品 寸脉弦緩寬大

正從相同有官病

寸脉沉實不絕

有官死者

寸脉弱而緩小

有官皆殺

寸脉沉虛并實

官囚殺不見六親

寸脉滑而粗

初年為官

寸脉洪不絕

中年為官

寸脉弦不絕

末年為官

寸脉浮不絕

官遭

賊劫

寸脉濡尖歲

官死屍不全

寸脉遲滑

先官後貧

寸脉滯滑

先貧後

官無子絕氣

寸脉弦洪寬

官有生旺

寸脉帶洪寬秀

有官出

家休官為富

寸脉伏不絕

休官為賤

寸脉不定

官無祖業

寸實官得橫財寸弦官得祖業寸洪緩官得小人財

寸緊實官得老人財寸寬緩官得陰人財寸多滑有學武

藝寸半寬官得賊人財寸洪動為官落水死寸細絕為官氣

死寸脈弱為官睡死寸脈小為官風癱寸促為官落

馬死寸虛小為官夜夢驚死寸短細為官征軍死寸雀滑

有官熱死寸大過有官服毒死寸沉伏為官雀目死寸伏小

為官因家不和失位寸帶花為官被人奪位不得官

出門無事死寸帶一為官虛名無實者死寸細遲衣

祿不絕寸寬大先貧後富寸沉濡先富後貧寸窄洪為官

之人一世無財空費精神死寸脈或滑為官初發寸洪

帶為官末發寸脈沉初發壽天中發者六親得榮末

發者子孫富貴代代榮華脈有一十四道脈之最難

有相生有相尅有敗有絕有孤有官有祿有富有貴

有貧有賤有夫尅妻妻尅夫寸夫尅妻多者妻尅夫

多者寸心洪夫尅三妻寸心緊散妻尅三夫寸心沉細父尅

子寸濁滑母尅子寸心微子尅父寸心洪散子尅母寸心平散子

得父旺寸心洪清父得子旺寸心不利母得子旺寸心義秀子

得母旺寸心實寬得伊子多旺寸心實秀得女婿旺寸心明淨

不得子旺伏心弦不得女婿旺心沉瀼子多得力心脈

得外人旺心緊得出家出去旺心寬旺得奴僕力心促

心緩不得奴僕力心促得田旺心寬大不得田旺心寬大

濁心緩得六畜旺心弦不得六畜心微若論肺者為人

之上心脈為主姊妹兄弟生旺皆得相生陰脈之法

得兄弟心洪秀得姊妹力心浮大不得兄弟力心緩

不得姊妹力心動得貴人財物田園六畜寸脈洪不絕

有害貴人不得財物寸長沉細害貴人旺心洪乳關

脈大行子細推詳生死萬事無差禍福有准刑剋衰

旺足誇少夫娶尅老妻關弦瀼老人娶尅少妻關弦

妾生子貴旺關緊寬妻妾敗家伏關緩妻不一心短關沉

夫妻同死緩微財物不散關洪弦有文官立大關弦

明有武官立寬秀有官子孫關緊長有次妻旺秀分

明夫婦有男女大旺關洪大為官并庶民生子多疾

目盲不秀耳聾微關虛啞伏關長癱癩伏結癆蟲弱關結音

小關濡瘡痕微小癰疽遲癩疹乳痒麻實咳嗽瀼哮

喘浮瀼顛癇洪散車碾傷死微弱妻妾媳婦生產難

結短投井河死遲伏餓死結大凍死遲瀼有文才作

死牢沉不見自縊死滑絕食不充口沉濡喉閉死微短身

體臭訖滑身體軟弱弦秀分明有官好唱緊虛有官好笑

微大寬長有官好哭濇短

尺部脉

士庶官宦富貴疾症喜怒憂思愁慮房室起居禍福

生旺春夏秋冬風寒暑温一切疾病皆由尺中知之

為官顯達尺濇多秀長子財物豐足尺起次子為官

顯達清寬分明次子財物旺沉寬為官春旺弦長為

官夏旺弦秀為官秋旺滑寬為官冬旺沉清為官四

季旺緩明秀鬼魅死沉數鬼魅不死浮痔漏寬散婦

人生子不死緊數母死子活洪大母活子死結洪

六部輕清秀潤為貴重濁聚散為賤脉云動靜為一

身根本富貴寬弱安危之理莫不由此而推

心部尅應

浮應庚辛喜生財滑憂戊己日生災洪在丙丁子孫

慶微長申酉悶憂來沉應亥子憂水厄緩應孝服寅

卯哀實喜財在壬癸日伏應己午死衰執弦應甲乙

孫平喜濇主辰戌丑未日手足病來若遇此四箇月

辰恐不吉清喜在外二四八濁憂在外三六九此是日與脉尅應吉凶禍福定日期

脉之尅應前已備載若論之時於陰陽尅應之時

肝部

滑主財祿喜
應戊巳日

浮主疾難
應庚辛

弦兄弟應
甲乙

洪父母喜
應丙丁

實子孫喜
應壬癸

微金石巳
應申酉

沉子孫血光
應亥子

緩失脫疾病
應寅申卯

濇手足災病應
辰戌丑未

伏慮子孫
應巳午

清主喜應二
四八日外

濁憂悶應
三六九

腎部

浮子孫喜
應庚辛

滑財喜應
戊巳

實憂失脫
應壬癸

弦父母害
應甲子

洪財喜應
丙丁

微水災應
申酉

沉驚憂應
亥子

緩憂子孫
應壬癸

濇破財災厄應
辰戌丑未

伏陰暗應
巳午

清喜在外應
五七十日

濁憂在內應
六十八日

肺部

浮進財喜
應庚辛

滑財喜應
戊巳

實憂失脫
應壬癸

弦父母害
應甲乙

洪財喜應
丙丁

微水災應
申酉

沉驚憂應
亥子

緩憂子孫
應寅卯

濇破財災厄應
辰戌丑未

伏陰暗應
巳午

清喜在外應
五十七日

濁憂在內應
六十八日

脾部

浮財喜應
庚辛

滑子孫應
戊巳

實兄弟憂
應壬癸

微手足病
應申酉

弦身虛應
甲乙

緩憂哭應
寅卯

沉血光應
亥子

洪子孫喜
應丙丁

濇小喜應
戌丑未

伏子孫災
應巳午

清子孫驚應
五七八日

濁憂在內應
四六八日

腎與命門同尅則一也

凡看之時要診寸關尺關前為陽關後為陰浮則為陽沉則為陰浮為在表沉為在裏遲則為冷數則為

熱三至為遲六至為數表裏陰陽虛實內外辨別
弦夏洪秋浮冬沉各隨四季子細推詳下指之時常
以平旦為期陽氣未散於四肢陰氣未分於五臟飲
食未進經脉未散絡脉調勻彼醉莫診我醉莫診大
怒大勞大醉大飽皆不可診務要靜其心調和氣息
目無外視耳無外聽方可診脉以決生死吉凶貴賤
禍福災危萬無一失耳

推天元太素四季災禍吉凶式

心應在夏

微洪為平主喜

弦長為相生主有財

浮為相尅小灾

沉為尅我主大病

肝應在春

弦長為耳主有喜

洪大為相生仕祿財喜旺相

浮為尅我主大灾

沉為相生有喜

肺應在秋

得春脉尅他有小疾

得夏脉尅我主大病

得秋旺主有財喜

得冬旺相加官財祿平人主厄

脾應在四季

得春脉相尅有災

得夏脉相生主有財

得秋脉生他主有喜

得冬脉相尅主病患

腎應在冬石亭原本

得春脉有喜事

得夏脉有小災主精不藏

得秋脉母子相逢吉

得脾脉相尅有災害

彭用光曰已上數條俱續增趙石亭者仍參運氣時令以消息斷之斯無遺矣

婦人門

診女子太素

廬陵彭用光新編

太素曰右尺部脉為女子之已身無主婢僕使女○
右關為翁姑又為財產○右寸為父○左關肝脉為
夫主正宮無兄弟○左右寸脉常弱為順有德性若
太過為逆無涵淑而性急○尺部常沉而緩帶如珠
之狀為順為有福德大沉不及為逆○右關脉為尺
相勝順事翁姑相安和氣為青龍輔榮旺其夫蕃衍

後嗣為朱雀脉輔主勤儉起家奴僕聚散滕蛇脉輔則衣食稱意為玄武脉輔兄弟多衆比和協順早見青龍脉輔好淫亂思男久矣早見勾陳脉沉細無青龍脉相輔多妨丈夫少年無子

女子以右手為主診災福亦如男子之法斷之亦驗也

論女子脉貴賤

貴脉相逢金水相生賤脉無土制水乃脾衰少旺也且如女子左手為夫右手為己身之脉屬水須得脾

和輔則可若脾脉大弱腎肝大旺無土制水平生淫亂為翁姑不足然一夫豈能慰其心足而脉如柳絮輕飄應指狂風上下其女一生身心無定勞碌貧賤如得肺金生腎水早年得父母之力為人尊重凡事貞潔而得貴格美榮身貴已然得水而沉故根基穩壯夫為娼妾從何斷之心肺大過脉俱弦澹硬之所主也女子以右尺為主人當浮左肝為腎相生多得夫主之意子女亦繁多若兩尺脉先大後小夫妻勞碌於晚年凡事不如先尺脉有力肝脉弱平生不得

丈夫之意又生子不得力終身波渣肝脉大過尺脉弱者無結果夫為娼者先浮急後沉和弦而尺和者先為娼後為良榮安已身心脉大過而尺弱者無疑為婢如逢息勻多招婢僕而足富貴治家勤儉過人尤有機巧智變聰明達上之所奇也

論婚姻生尅男女財產嫁資成敗

凡男子六脉但弦盛寸弱尺浮大主破女家資尅妻若女子尅夫家財產

婦人脉

慢慢悠悠動似雲陰陽俱判旺中存更逢三部俱洪秀嬌美才賢作貴人

輕來指下秀均勻六部皆調慢騰騰若逢水火皆明潤必賢早嫁貴官人

六部頻頻指下寬平生無恙一身安養女必招金紫婿生男必定作郎官

陰陽關內再怕長生來性格即非常親生三子俱無壽臨終只在女家亡

三部俱浮指下柔大陰宮內也大浮今生父母俱常

別隨逐親夫遠處遊

論婦人懷孕

尺中不絕須懷孕三部沉浮亦有期血旺氣衰終是有氣旺血衰定無兒

尺中按之不絕者孕也三部浮沉按之不絕者亦有孕也

寸口脉來寬更緩必因秋後是男兒忽然沉滑日將近緊細須知未有期

凡右手脉寬緩秋季須產脉沉滑緊細遲速不

可量也

論生產

孕本浮洪沉并滑更將左右定陰陽右手脉弦須是女左邊浮大是男即

論產難吉凶

浮滑沉小却言生緊勞弦急即須傾細小不絕身應活澁疾不調是死名

寸口沉細不絕者生澁疾不調者死

論夢多奇怪預彰吉凶并刑剋

肺脉輕清勻且竒施為果斷不卑微吉凶之機形夜
夢榮枯得失報君知

一曰毋得子旺長秀

二曰毋尅子心微小

三曰妻尅夫心脉洪大散

四曰妻尅二夫心沉細不定

論女子貴格

肺金腎水要相生尊重堂堂淑且賢穩壯根基身顯
貴夫榮子旺有封章

凡女子之脉肺金來生腎水平生好清潔為人
尊重多得父母之力此為貴格榮夫旺子金得
水而沉根基穩壯富貴俱全仍膺有誥勅之封

論女子富格

右關相勝順公姑榮貴必得在肝扶三部息勻招奴
婢一呼百諾眾欽崇

女子以右關為公姑財產左關為夫子勻秀清
弦則順事無疑矣得肝相輔榮旺夫家蕃衍子
孫三部常順息勻多得奴僕女婢更勤儉有機

骨仁堂集卷二 四十九
謀起家聰明過人人所欽仰

論女子媮蕩

脾弱因無土制水平生媮亂多夫婿身心無定偏勞碌更怕脉飄如柳絮

脾脉太弱腎脉太旺則主平生好媮與公姑不睦多招夫婿若尺脉於指下如柳絮輕飄主為人身性無定一生貧賤勞碌不得丈夫之意終身波渣衣食不克足

論女人賤

尺弱無疑為婢妾肝弦心過必為娼前浮後急沉弦過來去先娼後必良

凡女人為娼心脉太過而尺脉弱者無疑為婢妾之屬更以肝膽之脉俱弦緊瀆硬必為娼妓之流若肝脉太過弱者先浮後急得沉和弦於尺下來去必先娼後為良人榮身成主家計

女人貞潔脉

要知女子身貞潔尺脉條條動是常面色凝脂無別疾肺中澄靜獲貞良

命宮脉洪盛腎脉沉瀼好潔多子血海旺子宮
沉瀼好媯無子

室女思不遂

室女尺脉浮洪盛而大勻乃是思男之意身體黃
瘦室女尺部洪緊大有血脉旺行微沉細澁乃
血冷帶下崩中之疾也不是貞潔之女二尺脉
絕敗者死也

女思媯癆瘵脉

女子最嫌脉細微不多應指定多思四肢倦怠常潮

熱寒熱相無不用醫

推女子少男多女

脾脉散大而不一至多女少男

推先男後女

脾脉先小後大生女若先生男主不育

定雙生男女

婦人二尺皆洪滑而大陰陽旺動主雙生男若二尺
皆疾而長定生女

定遺腹生子脉

凡腎脉湧而向後者其父已死而後生也

診男女人貴賤壽夭脉

男子左手為主腎主壽夭一生陽故男左腎為一生之本主子孫根基比脉沉而有力往來息勻分明異乎常比者非病脉也主平生貴顯仕宦之後衣祿豐盈又應一身之根基兼審壽數脉來去遲年少之貧中年之後凡事遂意為官衣祿俱足若來若去無力根基不耐末年貧寒

女子右手為主先生右腎此脉弦大主夫榮祿壽長若沉小而無力或急不利者則貧賤之人也若微而澁平生多病無子嗣孤尅之人也衣食不足緩滑富家名門之女有德性封誥之婦也

彭用光曰婦人女子之脉當緩勻而洪潤沉中得滑尺中大如珠而得沉實不浮者乃為貴而有子富而有壽反此則為貧賤若得細清而勻但尺脉不實而浮者亦貴而無子乳者不壽肺脉大者性偏嫉妬之婦脾脉緩勻六部相生乃德性貞潔勤儉起家純全之脉餘皆詳上條

太素歲運所屬五臟之圖

一歲	二歲	三歲	四歲	五歲	六歲	七歲	八歲	九歲	十歲
心部	心部	心部	肝部	肝部	肝部	腎部	腎部	腎部	心部
十一	十二	十三	十四	十五	十六	十七	十八	十九	二十
心部	心部	心部	肝部	肝部	肝部	腎部	腎部	腎部	肝部
二十一	二十二	二十三	二十四	二十五	二十六	二十七	二十八	二十九	三十
肝部	肝部	肝部	心部	心部	心部	腎部	腎部	腎部	脾部
三十一	三十二	三十三	三十四	三十五	三十六	三十七	三十八	三十九	四十
脾部	脾部	脾部	肺部	肺部	肺部	命門	命門	命門	肺部

四十一	四十二	四十三	四十四	四十五	四十六	四十七	四十八	四十九	五十
肺部	肺部	肺部	脾部	脾部	脾部	命門	命門	命門	腎部
五十一	五十二	五十三	五十四	五十五	五十六	五十七	五十八	五十九	六十
腎部	腎部	腎部	肝部	肝部	肝部	心部	心部	心部	肝部
六十一	六十二	六十三	六十四	六十五	六十六	六十七	六十八	六十九	七十
肝部	肝部	肝部	心部	心部	心部	腎部	腎部	腎部	心部
七十一	七十二	七十三	七十四	七十五	七十六	七十七	七十八	七十九	八十
心部	心部	心部	脾部	脾部	脾部	肺部	肺部	肺部	脾部

八十一	八十二	八十三	八十四	八十五	八十六	八十七	八十八	八十九	九十
脾部	脾部	脾部	肺部	肺部	肺部	命門	命門	命門	肺部
九十一	九十二	九十三	九十四	九十五	九十六	九十七	九十八	九十九	一百歲
肺部	肺部	肺部	命門	命門	命門	腎部	腎部	腎部	心部

彭用光曰運至百歲復行運轉於一歲心部如初餘倣此推排之然此太素百歲長生部運之說惟在於保調者能之故老子曰我命在我不在天其斯之謂歟

○五運司天在泉主氣客氣共九圖

五運五天天南北政圖

太素運氣



六氣司天在泉圖



卷之三

三

每 年 主 氣 之 圖



十 二 年 客 氣 之 圖



子年主氣圖
丑年主氣圖
寅年主氣圖
卯年主氣圖
辰年主氣圖
巳年主氣圖
午年主氣圖
未年主氣圖
申年主氣圖
酉年主氣圖
戌年主氣圖
亥年主氣圖

客

氣



客

氣



骨石... 五...

客

氣



客

氣



五... 五...

十二支年分運氣

子午年少陰君火司天歲氣熱化之候司天者天之氣也

君火者手少陰心經也心者君主之官神明出焉君火乃主宰陽氣之本餘象生土乃發生

萬物之源

陽明燥金在泉在泉者地之氣候也

初之氣厥陰風木用事子上父下益辛瀉苦自年前十一月大寒節起至二月驚蟄終止

天時寒風切列霜雪民病關節禁固腰腿

二之氣少陰君火用事火盛金衰補肺瀉心自二月春分節起至四月立夏節終止

天時風雨時寒雨民病熱令人目赤

三之氣少陽相火用事君相二火瀉苦益辛自四月小滿節起至六月小暑節終止

天時大火行熱氣生利虫民病厥熱心痛寒更

四之氣太陰濕土用事子毋相順瀉肺補腎自六月大暑節起至八月白露節終止

天時大雨時行民病黃疸衄血咽乾

五之氣陽明燥金用事心盛肺衰火怕水復自八月秋分節起至十月立冬終止

天時溫氣乃至初冬民病寒熱伏邪

六之氣太陽寒水用事火衰心病瀉鹹益苦自十月小雪起至十二月大寒止

天時暴寒勁切火邪民病土腫咳喘甚則血溢

丑未年太陰濕土司天歲氣濕化之候

太陰濕土者旺足太陰經也脾中央戊己土每季寄

歲六六三五六
十日之成數也

太陽寒水在泉

初之氣厥陰風木用事主旺客衰瀉酸補甘自年

天時大風發榮
雨生毛虫
民病血溢經絡拘強關

二之氣少陰君火用事以下生上瀉甘補鹹

天時大火至疫癘君令宣
行濕蒸相暴雨時降
民病遠近咸若

三之氣少陽相火用事土旺熱水補腎瀉脾自

天時雷雨電雹地
氣騰濕氣降
民病身重肘腫腹脹

四之氣太陰濕土用事其旺鹹衰補腎益膀胱

天時炎熱沸騰地氣
升土化不流
民病膝理熱血暴溢寒

五之氣陽明燥金用事土能生金益肝瀉肺

天時大涼霧
露降
民病寒瘧痢

六之氣太陽寒水用事以上尅下瀉脾補腎自

天時大寒
凝冽
民病關節禁固

寅申年少陽相火司天歲氣火化之候

少陽相火者三焦浮流之火火邪炎上主尅肺金
金受尅則腎水失母上盛下虛虛陽

上攻變生諸疾至傷元氣

厥陰風木在泉

初之氣

厥陰風木用事于父相逢瀉苦益辛自年前十二月大寒節起至二月驚蟄終止

天時熱風傷人

民病寒熱交作咳逆頭痛血氣不調心腹不快

二之氣

少陰君火用事肺衰心盛制苦益辛自二月春分節起至四月立夏終止

天時暴風疾雨

民病上血熱咳逆胸膈不利頭疼寒熱

三之氣

少陽相火用事夏旺火熾補肺益大腸自四月小滿節起至六月小暑終止

天時炎暑亢旱

民病煩熱日赤疾閉失血熱渴風邪人多暴死

四之氣

太陰濕土用事火能生土瀉甘補鹹自六月大暑節起至八月白露終止

天時風雨時降

民病瘧疾交作寒熱頭痛

五之氣

陽明燥金用事肺金受邪瀉苦補辛自八月秋分節起至十月立冬終止

天時寒熱風雨

民病寒邪風熱君子周密

六之氣

太陽寒水用事心火受剋瀉鹹補苦自十月小雪節起至十二月大寒終止

天時寒濕無時地氣

民病感冒寒邪關節不利心腹瀉

卯酉年陽明燥金司天歲氣燥化之候

陽明燥金者肺與大腸之氣象庚辛金也

少陰君火在泉

初之氣

厥陰風木用事金木相剋補酸為辛自年前十二月大寒節起至二月驚蟄止

天時

陰始疑風始雨水乃

民病

寒熱浮腫失血

二之氣

少陰君火用事火盛金衰瀉苦益辛

天時

臣居君位

民病

疫癘流行

三之氣

少陽相火用事土盛客衰瀉心補肺

天時

燥熱交合

民病

寒熱頭痛

四之氣

太陰濕土用事以下生上瀉辛益酸

天時

風雨暴至

民病

卒暴寒熱風邪傷人

五之氣

陽明燥金用事金盛木衰瀉肺補肝

天時

有傷禾稼

民病

疫癘溫毒寒熱伏邪

六之氣

太陽寒水用事客來助主益苦瀉酸

天時

氣候反溫熱虫

民病

疫癘溫毒

辰戌年太陽寒水司天歲氣寒化之候

太陽寒水者

足膀胱經也與足少陰經合為表裏屬北方壬癸水

太陰濕土在泉

初之氣

厥陰風木用事脾胃受邪瀉酸助甘自

天時

氣早暖草早

民病

疫癘寒熱頭

二之氣

少陰君火用事心火受邪瀉鹹補苦

天時

春寒多雨

民病

浮腫寒熱

三之氣 自少陽相火用事以上尅下瀉鹹助苦

天時 暴熱乍涼 疾濕暴雨 民病 寒熱吐痢心煩 悶亂癰疽瘡瘍

四之氣 自六月大暑起至八月白露終止

天時 風温交爭雨生 羽虫暴風疾雨 民病 火熱短氣 赤白痢瀉

五之氣 自八月秋分起至十月立冬終止

天時 温熱而行 客行主令 民病 氣虛客熱血熱 妄行肺氣壅盛

六之氣 自十月小雪起至十二月小寒終止

天時 凝寒雨雪地 氣正濕令行 民病 病乃悽慘孕婦多災 脾受濕肺旺肝衰

巳亥年厥陰風木司天歲氣風化之候

厥陰風木者 甲乙木春旺七十二日也

少陽相火在泉

初之氣 厥陰風木用事脾胃受邪瀉酸補甘自

天時 寒始肅寒行生 令殺氣方至 民病 寒居右脇氣 滯脾胃虛壅

二之氣 少陰君火用事火旺金衰瀉心補肺

天時 寒不去霜雪水殺氣 施水草焦寒雨至 民病 熱中氣血 不升降

三之氣 少陽相火用事肺經受邪瀉苦益辛

天時 風熱大作 雨生羽虫 民病 淚出耳 鳴掉眩

四之氣 太陰濕土用事木上相刑瀉酸益甘

天時熱氣返用山澤民病心受邪黃疸

五之氣自陽明燥金用事以金刑木瀉肺益肝

天時乃燥溫更濛沉陰民病脾受風及濕發為瘡

六之氣自太陽寒水用事主助客勝瀉酸補其

天時長司令陽乃火化蟄虫出民病腎相制

五運時行民病證治

凡遇六辛年發生之紀歲木大過風氣流行脾土受邪民病飧泄食減體重煩冤腸鳴脇支滿甚則忽忽怒眩冒顛疾為金所復則反脇痛而吐甚則衝陽

絕者死

蒼朮湯治脾胃減風飧泄注下腸鳴腹滿四肢重滯忽忽善怒眩冒眩暈或左脇偏疼

白茯苓去皮厚朴薑製白朮去蘆青皮

草果去殼研蒼朮

右為呔咀每服四錢水一大盞薑三片棗二枚

煎七分去滓食前服以効為度加炮乾姜以燥滋

凡遇六戊年赫曦之紀歲火太過炎暑流行肺金受邪民病瘡少氣欬喘血溢泄瀉嗌燥耳聾中熱肩背熱甚胸中痛脇支滿背髀并兩臂痛身熱骨痛而為

浸淫為水所復則反謔妄狂越欬喘息鳴血溢泄瀉
不已甚則大淵絕者死

麥門冬湯

治肺經受熱上氣欬喘咯血痰壅嗝乾
耳聾泄瀉肚腸滿痛連肩背兩脅腰疼

息高

麥門冬 去心

香白芷

半夏

泡七次
去皮臍

桑白皮

去紅皮
蜜炙

竹葉

甘草 炙

紫苑耳

鍾乳粉

人參

各等分

右咬咀每服四錢水一大盞薑三片棗二枚煎

七分去滓食遠服以効為度

凡遇六甲年堆阜之紀歲土太過雨濕流行腎水受
邪民病腹痛清厥意不樂體重煩冤甚則肌肉痿足
痿不收行善癭脚下痛中滿食減四肢不舉為風所
復則反腹肚澹泄腸鳴則太谿絕者死

附子山茱萸湯

治腎經受濕胸痛寒厥足痿不收
腰腿痛行步艱難甚則中滿不下

或腸鳴
澹泄

附子

炮去皮
臍一兩

山茱萸肉

此味去核
淨肉二兩

木瓜乾

丁香

烏梅

香半
兩

半夏

泡七次
去皮臍

肉苳蔻

各三
錢

藿香

一錢

右咬咀每服四錢水一大盞薑七片棗一枚煎七分去滓食前服以効為度

凡遇六庚年堅成之紀歲金太過燥氣流行肝木受邪民病脇小腹痛目赤背痒耳無聞體重煩冤胸痛引背脇滿引小腹甚則喘欬逆氣背肩尻陰股膝髀膈膈足痛為火所復則暴痛肢脇不可反側欬逆甚而血溢大衝絕者死

牛膝木瓜湯

治肝虛遇歲氣燥濕更脇連小腹拘急疼痛耳聾目赤欬逆肩背連尻陰股膝骨膈膈皆痛悉主之

牛膝

去葶酒浸

木瓜

各一兩

芍藥

酒炒

杜仲

去皮美汁製炒斷絲

枸杞子

去梗

黃松節

兔絲子

酒浸研

天麻

各三錢

甘草

炙半兩

右咬咀每服四錢水一大盞薑三片棗一枚煎七分去滓食前服以効為度

凡遇六丙年湯行之紀歲水太過寒氣流行邪害心火民病身熱煩心躁悸上下中寒譫妄心痛甚則腹大脛腫喘欬寢汗憎風為土所復則反脹滿腸鳴澹泄食不化渴而妄冒甚則神門絕者死

川連茯苓湯

治心虛為寒冷所中心熱躁手足反寒腹腫病喘咳自汗甚則大腸便血

黃連

去鬚薑汁炒

茯苓

各一兩去皮

麥門冬

去心

車前子

炒

通草

遠志

去心薑汁製炒各半兩

半夏

製如上一

黃芩

去內外腐

甘草

炙各半兩

右咬咀每服四錢水一大盞薑七片棗一枚煎

七分去滓食前服以効為度

凡遇六丁年委味之紀歲木不及燥乃盛行民病中

清肱脇小腹痛腸鳴溏泄為火所復則反寒熱瘡瘍

瘰癧腫欬而皴

茯苓牛膝湯

治肝虛為燥熱所傷肱脇并小腹瀉腸鳴溏泄或發熱遍體瘡癩嗽肢

滿鼻

肉茯苓

酒浸

牛膝

酒浸去蘆

乾木瓜

白芍藥

酒炒

熟地黃

當歸

去苗

甘草

炙各等分

右咬咀每服四錢水一大盞姜三片烏梅半枚煎

七分去滓食前服筋痿脚弱者鏤鹿角屑同煎

凡遇六癸年伏明之紀歲火不及寒乃盛行民病胸

痛脇肢滿脊背肩脾兩背內痛鬱冒矇昧心痛暴痞

甚則屈不能伸髀脾如別為土所復則反驚溏食飲

不下寒中腸鳴泄注腹痛暴攣痿痺足不能任身

黃芪茯神湯

治心虛挾寒心胸中痛兩脇連肩背肢滿噎塞鬱冒矇昧髓解亦手痛不能

屈伸或不能利溇泄飲食不進腹痛手足痿痺不能任身

軟柴胡

酸棗仁炒研各等分

黃芪蜜炙

茯神去木

遠志去心姜汁製炒

右咬咀每服四錢水一大盞姜三片棗一枚煎

七分去滓食前服以効為度

凡遇六已年卑監之紀歲土不及風氣盛行民病飡

泄霍亂體重身痛筋骨繇并肌肉潤酸善怒為金所

復則反胸脇暴痛下引小腹善太息氣客於脾食少

味

白木厚朴湯

治脾虛風冷所傷心腹脹滿疼痛四肢筋骨重弱肌肉瞶動酸癢善怒霍

亂吐瀉或胸脇暴痛下引小腹善太息食少知味

白木

厚朴姜炒

半夏

如上述桂心

藿香

去梗

青皮

去白各三兩

乾姜

泡

甘草

炙各半兩

右咬咀每服四錢水一大盞薑三片棗一枚煎

七分去滓食前服以効為度

凡遇六乙年從革之紀歲金不及炎火盛行民病肩

背脊重欬嚏血便注下為水所復則反頭腦戶痛延及顛頂發熱口瘡心痛

紫苑湯

治肺虛感熱咳喘滿自汗衄血肩背脊痛重血便注下或腦戶連顛頂痛發熱口瘡

心痛

紫苑茸

白芷

人參

甘草炙

黃芪

蜜炙

地骨皮

杏仁

去皮炙

桑白皮

炙各等分

右咬咀每服四錢水一大盞薑三片棗一枚煎七分去滓食前服以効為度

凡遇六辛年涸流之紀歲水不及濕乃盛行民病腫

滿身重濡泄寒瘍腰膈膈股膝痛不便煩寃足痿清厥脚下痛甚則肘腫腎氣不行為木所復則反面色時變筋骨并臂肉稠瘕目視眈眈肌肉胗發熱并膈中痛於心腹

五味子湯

治腎氣虛坐卧濕地腰膝重著疼痛腹脹滿濡泄無度行步足難足痿清厥甚

則浮腫面色不常或筋骨并臂稠瘕目視眈眈膈中及咽痛

五味子

附子

炮去皮臍

巴戟

去心

鹿茸

燉去毛

熟地黃

山茱萸

去核淨肉

杜仲

姜汁浸炒斷

右咬咀每服四錢水一大盞薑七片鹽少許煎

七分去滓食前服以効為度

凡六壬六戌六甲六庚六丙歲乃木火土金水太過
為五運先天六丁六癸六巳六辛六乙歲乃木火土
金水不及為五運後天民病所感治之各以五味所
勝調和以平為期也

六氣時行民病證治

此司天在泉主氣客氣加臨交會觀者宜詳究

辰戌之歲太陽司天太陰在泉氣化運行先天初之
氣乃少陽相火加臨厥陰風木民病溫身熱頭疼嘔
吐肌腠癆二之氣陽明燥金加臨少陰君火民病氣

鬱中滿三之氣太陽寒水加臨少陽相火民病寒反
熱中癰疽注心中熱瘖悶四之氣厥陰風木加臨太
陰濕土民氣乃舒五之氣少陰君火加臨陽明燥金
民病客熱血熱肺熱火邪終之氣太陰濕土加臨太
陽寒水民乃悽慘孕死治法用甘溫以平水酸苦以
補火抑其運氣扶其不勝

靜順湯

治辰戌之歲太陽司天太陰在泉病者身熱頭痛嘔吐氣鬱中滿瘖悶少氣足痿注下赤白肌腠瘡瘍發為癰疽

白茯苓

去皮

乾木瓜

兩各

附子

炮去皮臍

牛膝去苗酒浸防風去

訶子煨去核

甘草炙

乾薑炮各半兩

右呔咀每四錢水一大盞煎七分去滓食前服
其年自大寒至春分宜用附子加枸杞半兩自
春分至小滿依前入附子同枸杞自小滿至大
暑去附子木瓜乾薑加人參枸杞地榆香白芷
生薑各三分自大暑至秋分依正方加石榴皮
半兩秋分至小雪依正方自小雪至大寒去牛
膝加當歸芍藥阿膠炒各三分

卯酉之歲陽明司天少陰在泉氣化運行後天初之
氣太陰濕土加厥陰風木此下尅上民病中熱脹面
目浮腫善服孰衄嚏欠嘔吐小便黃赤甚則淋二之
氣少陽相火加少陰君火燥交合民病寒熱三之氣
陽明燥金加少陽相火此下尅上民病燥熱涼風間
發寒熱頭痛心煩作渴四之氣太陽寒水加太陰濕
土此下土尅上水民病暴仆振慄譫妄少氣咽乾引
飲心痛癰腫瘡瘍寒瘡骨痿便血五之氣厥陰風木
加陽明燥金民氣如終之氣少陰君火加太陽寒水

此下尅上民病温治法宜鹹寒以抑火辛甘以助金汗之清之散之安其運氣

審平湯

治卯酉之歲陽明司天少陰在泉病者中熱面浮鼻軌小便赤黃甚則淋或瀉氣行

善暴仆振慄譫妄寒瘧癰腫便血

遠志

去心姜汁炒

紫檀香

各兩

天門冬

去心

白芍藥

生薑

白朮

甘草

各半兩

山茱萸肉

各三錢

右呔咀每服四錢水一大盞煎七分去滓食前服自大寒至春分加白茯苓半夏紫蘇生薑各

半兩自春分至小滿加玄參白薇各半兩自小

滿至大暑去遠志山茱萸白朮加丹參澤鳴各

半兩自大暑至秋分去遠志白朮加酸棗仁車

前子各半兩自秋分至大寒並依正方

寅申之歲少陽相火司天厥陰風木在泉氣化運行

先天初之氣少陰君火加厥陰風木民病温氣拂於

上血溢目赤欬逆頭痛血崩脇滿膚腠生瘡二之氣

太陰濕土加少陰君火民病熱鬱欬逆嘔吐胸臆不

利頭痛身熱昏憤膿瘡三之氣少陽相火加相火民

病熱中聾瞑血溢膿瘡欬歔衄嚏欠喉痺目赤善暴
死四之氣陽明燥金加太陰濕土民病滿身重五之
氣太陽寒水民病閉悶不禁心痛陽氣不藏而效六
氣同治法宜鹹寒平其上辛溫治其內宜酸滲之泄
之清之發之

升明湯

治寅申之歲少陽相火司天厥陰風木在泉病者氣鬱熱血溢目赤咳逆頭痛脇滿嘔吐胸臆不利聾瞑渴身重心痛陽氣不藏瘡瘍煩燥

紫檀香

車前子

青皮

去穰醋炒

半夏

如上炮製

墻藤

生薑

甘草

炙各半兩

酸棗仁

炒研半兩

右咬咀每服四錢水一大盞煎七分去滓食前

服自大寒至春分加白薇玄參各半兩自大暑

至秋分加茯苓半兩自秋分至小雪依正方自

小雪至大寒加五味子半兩

丑未之歲太陰濕土司天太陽寒水在泉氣化運行

後天初之氣厥陰風木加風木民病血溢筋絡拘強

關節不利身重筋痿二之氣大火正乃少陰君火加

君火民病濕癘盛行遠近咸若三之氣太陰濕土加

少陽相火民病身重胛腫腹滿四之氣少陽相火加

太陰濕土民病腠理熱血暴溢瘡心腹脹甚則浮腫五之氣陽明燥金加陽明燥金民病皮膚寒氣及終之氣太陽寒水加寒水民病關節禁固腰腿痛治法用酸以平其上甘溫泊其下以苦燥之溫之甚則發之泄之贊其陽火令禦其寒

備化湯

治丑未之歲太陰濕土司天太陽寒水在泉疾者關節不利筋脉胞急身重痿弱或溫癘盛行遠近咸若或胞腹滿悶甚則浮腫寒瘧血溢腰腿痛

木瓜乾

茯苓去皮各一兩

牛膝酒浸

附子去皮臍熟地黃各三分

覆盆子各半兩

甘草一錢

生薑三錢

右咬咀每服四錢水一大盞煎七分去滓食前服自大寒至春分依正方自春分至小滿去附子加天麻防風各半兩自小滿至大暑加澤瀉三分自大暑至大寒並依正方

子午之歲少陰君火司天陽明燥金在泉氣化運行先天初之氣太陽寒水加厥陰風木民病關節禁固腰腿痛中外瘡瘍二之氣厥陰風木加少陰君火民病淋目赤氣鬱而熱三之氣少陰君火加少陽相火

民病熱厥心痛寒熱更作咳喘目赤四之氣太陰濕
土民病黃痺𦵏衄嗌乾吐飲五之氣少陽相火加陽
明燥金民乃康終之氣陽明燥金加太陽寒水民病
上腫咳嗽甚則血溢下連小腹而作寒中治法宜鹹
以平其上苦熱以治其內鹹而更之苦以發之酸以
收之

正陽湯

治子午之歲少陰君火司天陽明燥金在泉病者關節固腰痛氣鬱熱小便淋日赤

心痛寒熱更作咳喘或鼻衄溢咽吐飲發黃痺喘甚則連小腹而作寒中惡

白薇 玄參 川芎 芍藥 酒炒 旋覆花

桑白皮

酥炙

當歸

去甘草炙

生薑

各半兩

右咬咀每服四錢水一大盞煎七分去滓食前
服自大寒至春分加杏仁升麻各半兩自春分
至小滿加茯苓車前子各半兩自小滿至大暑
加杏仁麻子仁各一分自大暑至秋分加荆芥
茵陳蒿各一分自秋分至小雪依正方自小雪
至大寒加紫蘇子半兩

已亥之歲厥陰風木司天少陽相火在泉氣化運行
後天初之氣陽明燥金加厥陰風木民病寒於右脇

下二之氣太陽寒水加少陰君火民病熱中三之氣厥陰風木加少陽相火民病淚出耳鳴掉眩四之氣少陰君火加太陰濕土民病黃痺肘腫五之氣太陰濕土加陽明燥金燥濕相勝寒氣及體終之氣少陽相火太陽寒水壯下水尅上火民病溫癘治法宜用十涼以平其上鹹寒以調其下畏火之氣無妄犯之

敷和湯

治已亥之歲厥陰風木司天少陽相火在泉病者中熱而及右脇下寒耳鳴淚出掉

眩燥濕相轉民病黃痺浮腫時作溫癘

半夏湯洗七次棗子去核五味子

枳殼麩炒

茯苓去皮

訶子炮去核

乾薑炮

橘皮去皮

甘草炙各半兩

右咬咀每服四錢水一大盞煎七分去滓食前服自大寒至春分加鼠粘子八分自春分至小滿加麥門冬去心山藥各三錢自小滿至大暑加紫苑三分自大暑至秋分加澤瀉山梔子仁各五錢自秋分至大寒並依正方

凡六氣數起於上而終於下歲半之前自大寒後天氣主之歲半之後自大暑後地氣主之上下交互氣

交主之司氣以熱用熱無犯司氣以寒用寒無犯司
氣以涼用涼無犯司氣以溫用溫無犯司氣同其主
亦無犯異主則少犯之是謂四畏若天氣及時可依
時及勝其主則可犯以平為期不可過也

右五運六氣時行民病證治編太素脉訣之後者
以便後學取法知其氣運之寒熱也

彭用光曰方則上古者與今時運氣稍異恐其
難相合為醫者當因時因症加減擴克毋執一
也

總論診治太素要說

思濟堂曰診太素之脉必須守十忌更三齊七
戒以保腎氣胃氣此二部所主者多更要子後
辰前靜室天晴氣爽之時彼此各忘念慮不得
身坐心行二人相對調停診之再再詳審數時
方斷吉凶貴賤有准若倉卒不定遽難輕斷各
宜自體勿忽乍看不熟再診再詳斷之方驗也
然此太素兩卷古今間有知者多自秘藏為子
孫一家之計不肯以書傳世今用光則悉心詳

錄并畫肖天診法行運諸圖以便來學且與天
下後世共傳焉

體仁彙編卷之二終

